

VESNA BUDIMIR - ZAMJENIK GLAVNOG TUŽIOCA TUŽILAŠTVA BiH

Vesna Budimir rođena je 25.04.1957. godine u Posušju, gdje je završila osnovnu školu, a Treću gimnaziju završila je u Sarajevu. Diplomirala je na Pravnom fakultetu Univerziteta u Sarajevu 1980. godine, a pravosudni ispit položila u mjesecu maju 1982. godine.

U pravosuđu radi od 14.02.1983. godine do 04.11.1992. godine na mjestu zamjenika osnovnog javnog tužioca u Osnovnom javnom tužilaštvu I u Sarajevu, od 15.07.1996. godine do 02.10.1997. godine na mjestu stručnog saradnika za normativno-pravne poslove u Federalnom ministarstvu pravde, zatim od 02.10.1997. godine do 30.06.1998. godine na mjestu šefa kabineta-savjetnika federalnog ministra pravde Mate Tadića, a od 01.07.1998. godine do 30.04.1999. godine na mjestu zamjenika federalnog pravobranitelja.

Profesionalnu karijeru u pravosuđu nastavlja od 01.05.1999. godine do 30.09.1999. godine na poslovima pomoćnika ombudsmana Federacije Bosne i Hercegovine, zatim od 01.10.1999. godine do 31.12.2001. godine kao zamjenik-koordinator ombudsmana Federacije Bosne i Hercegovine, od 01.01.2002. godine do 01.10.2002. godine kao zamjenik ombudsmana Federacije Bosne i Hercegovine i od 01.10.2002. godine do 11.10.2004. godine, kao lični zamjenik ombudsmana Federacije Bosne i Hercegovine Branke Raguz.

Odlukom VSTV-a BiH od 07.10.2004. godine imenovana za tužiteljicu Tužilaštva BiH, a na dužnost je stupila 11.10.2004. godine. Od 01.01.2005. godine raspoređena je kao tužiteljica Posebnog odjela za ratne zločine Tužilaštva Bosne i Hercegovine. Odlukom VSTV-a BiH imenovana za zamjenicu glavnog tužioca Tužilaštva BiH dana 25.06.2009. godine, a dužnost je preuzela 01.08.2010. godine. Odlukom glavnog tužioca Tužilaštva BiH od 30.12.2009. godine imenovana za rukovodioca Posebnog odjela za ratne zločine Tužilaštva BiH.

Sudjelovanje na stručnim seminarima i konferencijama tokom karijere:

- Seminar u organizaciji Odjela za krivičnu odbranu Ureda registrara Suda Bosne i Hercegovine iz oblasti ZKP BiH sa izlaganjem na temu „Istraga Tužilaštva“ – Sarajevo, 08.09.2005. godine.
- Seminar u organizaciji Odjela za krivičnu odbranu Ureda registrara Suda Bosne i Hercegovine sa izlaganjem na temu „Istraga Tužilaštva“ - Banja Luka, 01.09.2005. godine.
- Konferencija u organizaciji UNDP-a „Procesuiranje ratnih zločina u BiH-dostignuća i praktični problemi“ - Izlaganje na temu „Regionalni sporazumi-korištenje dokaza, dostupnost dokaza i izručenje osumnjičenih sa dvojnim državljanstvom“ - Sarajevo, juni 2006. godine.
- Konferencija „Odgovornost medija za podstrekavanje na ratne zločine na teritoriju bivše Jugoslavije“ - Izlaganje na temu „Mogućnost krivičnog progona osoba koje su vršile propagandu u medijima“ – Dubrovnik, 14.11.2007. godine.
- Konferencija glavnih tužilaca u BiH - Izlaganje na temu „Problemi i prepreke u procesuiranju osoba osumnjičenih da su počinili krivična djela protiv čovječnosti i vrijednosti zaštićenih međunarodnim pravom“.

- Konferencija glavnih tužilaca u BiH - Teslić, april 2010. godine-Izlaganje na temu „Regionalna saradnja“ i „Zapovjedna odgovornost“.
- Regionalna konferencija glavnih tužilaca – Brioni, juli 2010. godine-Izlaganje na temu „Problemi i poteškoće u dokazivanju zapovjedne odgovornosti“.

Sudjelovanje u radu radnih grupa:

- Radna grupa za izradu Zakona o izmjenama i dopunama Zakona o programu zaštite svjedoka u BiH,
- Radna grupa za izradu Zakona o izmjenama i dopunama Zakona o zaštiti svjedoka pod prijetnjom i ugroženih svjedoka i
- Radna grupa za formiranje isturenih odjeljenja Suda Bosne i Hercegovine.